

अगड़बम अगड़बम बाजे डमरू,

दोहा आप बिना नहीं आसरो,  
जग तारन जगदीश,  
शंकर भोलानाथ ने मैं,  
चरण निवावू शीश ।

अगड़बम अगड़बम बाजे डमरू,  
नाचे रे भोलोनाथ आगे हैं भेरू,  
नाचे गणेशा ने नाचे हनुमान,  
पार्वती रा प्राणनाथ भोला भगवान ॥

भांग बोई भोलानाथ,  
निपजाई गणेश,  
पार्वता जी पाणी पावे,  
खुले लटिया केश,  
अगड़बम अगड़बम बाजे डमरू,  
नाचे रे भोलोनाथ आगे हैं भेरू ॥

भांग के रा रोटला ने,  
धतूरे रो साग,  
पूरषे माता पार्वती ने,  
जिमे भोलानाथ,  
अगड़बम अगड़बम बाजे डमरू,

नाचे रे भोलोनाथ आगे हैं भेरू ॥

हाथ लीनी भभूति ने,  
लगावे हैं अंग,  
देखो मैया पार्वती ओ,  
कैसो भयो रंग,  
अगड़बम अगड़बम बाजें डमरू,  
नाचे रे भोलोनाथ आगे हैं भेरू ॥

नाग के रा बाजूबन्द,  
नाग के रा हार,  
नागण की कुण्डल में,  
सुहावे भोलानाथ,  
अगड़बम अगड़बम बाजें डमरू,  
नाचे रे भोलोनाथ आगे हैं भेरू ॥

कोई पूजावे अंग बाबा,  
कोई पूजावे पग,  
नरसी मेहता तो पूजे,  
ओ शिवलिंग,  
अगड़बम अगड़बम बाजें डमरू,  
नाचे रे भोलोनाथ आगे हैं भेरू ॥

अगड़बम अगड़बम बाजें डमरू,  
नाचे रे भोलोनाथ आगे हैं भेरू,  
नाचे गणेशा ने नाचे हनुमान,  
पार्वती रा प्राणनाथ भोला भगवान ॥

गायक श्री विकासनाथ जी महाराज ।  
प्रेषक रामेश्वर लाल पँवार ।  
आकाशवाणी सिंगर ।  
9785126052

Source: <https://www.bharattemples.com/agadbam-agadbam-baaje-damru/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>